

澄城縣志卷三

建置

志例向首星野次以建置度地居民表列沿革建置定而疆域分城池廨宇皆建置中事也康德涵志武功山川城郭統于地理建置專主營造有司所興行皆類附焉時其小敝而旋葺之佚道之使要爲民耳馬敦若同州志屢言之矣

城垣

城池後魏時建周三里有奇高二丈五尺土築池深一丈三尺門四明正統景泰洪治間俱重修嘉靖丙午邊事告警知縣徐效賢奉檄築鑿高深倍昔戊申重修四門知縣鄭

澄城縣志

卷三

建置

一

光溥改修北門洞甃以甃門襲以鐵已酉又建四郭門各有記見藝文時南郭未就知縣敖佐繼成之崇正癸酉知縣王選於城頭增土三尺兼并塚堞癸未乙酉間圯

國朝順治五年知縣姚欽明重修開水門於西門之左重建北樓乾隆三十一年知縣額樂春重修四十八年知縣周志閻於四門外創造石橋以通水道道光十五年知縣崔光斗兩報勘修議從緩迄今未舉計周圍三里三分高二丈七尺

周元里故城

史記六國表晉文侯十六年伐秦築元里通志元里故城在澄城縣南十五里

亞熊按今縣西南二十里有元里村地近交道鎮未審卽古元里故城否不可考矣路氏輿圖雜志遺事內載史記周顯王十五年魏與秦戰元里斬首七千餘取少梁可爲元里之証

王官故城在今縣西北六十里

魏王泰括地志王官城在澄城縣西北六十里左傳秦伐晉取王官卽此李吉甫元和郡縣志王官故城在縣西北春秋傳曰俘我王官翦我羈馬樂史太平寰宇記王官城卽邑名也廢城在縣西北又成公十三年晉侯使呂相絕秦俘我王官卽此明通志王官城在澄城縣西北四十里按左傳秦伯伐晉濟河焚舟取王官及郊以報穀之役晉

澄城縣志

卷三

建置

一一

人不出遂自茅津濟封穀尸而還邑人張蘿谷秉直有王官城辨以爲據左氏傳文考之似爲晉之王官今山西臨晉縣王官谷是也郊顧氏以爲臨晉平陽間小邑或當時兩邑之偶同名者耳辨載藝文可考

南郊故城在今縣西北

括地志澄城縣西北七十里有南郊故城又有北郊西郊皆卽孟明伐晉所取

新城故里在今縣東北二十里

太平寰宇記新城左氏傳文公四年晉侯伐秦圍祁新城卽是此也舊志新城在澄城縣東北二十里

漢徵縣故城在今縣西南二十五里

太平寰宇記漢徵縣故城在縣西南二十二里卽左傳文公十年秦伐晉取北徵是也漢以爲徵縣屬馮翊今俗名避難堡明同州志徵城縣西南二十五里有北徵城今名避難堡縣圖漢縣城在縣西南基址尙存按今縣西南二十里有村名避難堡現屬蒲城境未審卽徵故城否亦無基址可考或由重泉析置時未改歸耳

長城故基在今縣南

縣圖縣南五里有古長城基不知所始洪亮吉曰此蓋魏之長城路志亦云或是史記魏築長城自鄭濱雒而北以擯秦者然不可考

魏澄城郡故城

澄城縣志

卷三

建置

三

元和郡縣志後魏太武七年分郃陽縣置澄城縣又于今縣理置澄城郡

洪亮吉曰澄城縣城舊志云後魏時置則後魏澄城郡城卽今縣城是也

三門縣故城在今縣西北三十里

地形志三門魏眞君七年置明通志三門廢縣在澄城縣西北三十里今三門村卽其故址按魏楊順封三門縣開國公見封建

陽苑城及衙城故城

地形志三門縣有陽苑城衙城

洪亮吉曰二城所在今皆無可考

唐長甯縣故城在今縣西北四十里

新唐書地理志武德三年析置長甯縣貞觀八年省舊志
長甯城在今縣西北四十里長甯河南今故址猶存

衙署

知縣署在城內西北隅莫考所自建元末兵燹焚毀治事於
親鄰寨明洪武二年縣丞樂韶始復故治建廨宇正統三
年知縣楊季琦建廳事儀門大門至趙瑾改建大門爲譙
樓楊泰徐政又相繼恢治嘉靖甲辰知縣鄭光溥重修譙
樓朝邑韓邦奇有記戊申知縣徐效賢新吏坊葺禁獄邑
人馬躍如記之己酉又飾階圯拓儀門庚戌知縣敖佐葺
內署完吏廨創園亭天啟甲子知縣毛丹鳳重修寅賓館

澄城縣志

卷三

建置

四

邑舉人路世龍撰記崇正乙亥流賊混天星燬正堂署縣
事邵陽縣丞梁才重建

國朝順治六年知縣姚欽明增修爲堂五楹儀門東西六房
共十九楹又因廢蓮幕建趵廈三楹中廳前軒後舍顏廳
曰槐堂軒曰花署舍口冰齋鹿庵澹軒自爲文記之乾隆
四十年知縣戴治重修嘉慶二年知縣謝家裕重修大門
儀門東西角門六房大堂兩廂二堂各房十三年知縣胡
彬重修宅門三堂南北住房東西書房道光五年知縣伍
敏建東書室十四間二十七年知縣金玉麟添修東偏住

房廚房兩廂

舊志稱署有後樂園退思亭今俱廢

教諭署舊在按察行司右今在明倫堂西卽舊志約禮齋

訓導署舊在布政行司左今在明倫堂東卽舊志博文齋
營汛署舊在城西南隅今借舊教諭署在南街
典史署在縣署東

縣丞署在縣署東主簿署莫考按縣丞缺乾隆四年員裁主
簿缺自前明崇正九年員裁改設練總

國朝未設此員屢遭兵燹員裁署廢殆不可考縣丞員裁後
署亦曠廢詳記於此俟後有考焉

申明亭 在縣署前 旌善亭 在縣署前 馬神廟 在縣署大門左

馬廢 在縣大堂右三房後 獄禁 在儀門右

布政行司在縣治南偏東按察行司在縣治東西安行署在
布政行署右陰陽學醫學俱在縣治東南隅僧會司在精

澄城縣志

卷三

建置

五

進寺道會司在崇壽宮榜房在縣署右稅課局在南門內
惠民局莫考軍器局在縣治右今俱久廢

考院在南街道光二年知縣伍敏建邑御史姚堃有記卽舊
之察院行署也 記見藝文

演武場在縣南門外地一十六畝明知縣敖佐勘明開除稅
糧二石一斗入各里代納民心允協焉

國朝道光二年知縣伍敏增建前廳三楹後廈三楹自爲文
記之嗣是校試武童胥于斯矣 記見藝文

養濟院 在縣西門外 漏澤園 在縣南門外

常平倉在縣城東南隅康熙間建甄室五孔雍正五年添建
甄室五孔乾隆四十年知縣額樂春續修四孔四十一年

知縣戴治增建廳房三間道光二十九年知縣金玉麟重修舊志稱縣倉在縣儀門外預備倉在縣南其以何時改建則莫考所自矣

社倉十三處

代莊倉雍正八年建在縣東代莊村座北向南倉房三間去城十里

馬店倉乾隆二十年建在縣北馬店村甯國寺內座東向西倉窰二孔去城十五里

雷莊倉雍正八年建在縣南雷莊鎮太常寺座北向南倉房四間去城十五里

堡城倉乾隆十五年建在縣東南堡城村座北向南倉窰二

澄城縣志

卷三

建置

六

孔去城二十里

寺前倉雍正八年建在縣東南寺前鎮北街座北向南倉窰二孔去城五十里

韋莊倉雍正八年建在縣南韋莊鎮党家巷座北向南倉房六間去城五十里

醍醐倉乾隆十五年建在縣南醍醐鎮座東向西倉窰二孔去城四十里

段莊倉雍正八年建在縣西段莊村座北向南倉窰一孔去城十五里

義井倉乾隆二十年建在縣西北義井村座北向南倉窰二孔去城二十里

西社倉雍正八年建在縣西西社村難遮寺內座北向南倉
窰二孔去城四十里

塔塚倉雍正八年建在縣西北塔塚鎮土城內座西向東倉
房三間去城三十里

楊家嶺倉雍正八年建在縣北楊家嶺村座北向南倉房四
間

劉家窪倉乾隆二十年建在縣北劉家窪鎮街座北向南倉
窰二孔去城五十里

驛傳

長甯驛 在縣城 句倉驛 在寺前鎮今裁 撲地驛 在縣東今裁

賢相驛 在縣北今裁 原設遞馬一十六匹夫三十名除裁

澄城縣志

卷三

建置

七

撥留馬三匹夫一名半每年支銀九十九兩二錢八分四
釐遇閏加銀一十六兩八錢七分七釐

鋪遞九處

縣前鋪 在縣城內

東路撲地鋪 在撲地村 寺前鋪 在寺前鎮

南路交道鋪 在交道鎮 安樂鋪 在茨溝村 白其鋪 在南白村

西路長閏鋪 在長閏鎮

北路藥頭鋪 在藥頭村 紅羅鋪 在紅羅村 舊志有柳池交城

鎮基懷仁臨高蟒猛共六鋪原額鋪司兵四十八名於乾
隆九年嘉慶十五年兩次奉文減裁今存鋪司兵一十九
名每年支銀一百一十四兩遇閏加銀九兩五錢

鎮堡

良輔鎮在縣北五十里因魏鄭公得名馮原鎮在縣西北五十里寺頭鎮在縣東南四十里窰頭鎮在縣西二十里王莊鎮在縣西北三十里嘉靖丙午邊聲告急知縣徐效賢奉檄創築堡城三座曰遵義堡卽寺頭鎮曰長閨堡卽窰頭鎮曰太平堡卽王莊鎮陝西都察院都御史謝蘭檄委典膳鄭穀關宗仁喬廷前權汝止督修

市集

在縣關廂者其輪遞月無間日諸鎮則以日相遞而已

鄉里

太平寰宇記稱舊十七鄉今九鄉金元六鄉至明則止存三

澄城縣志

卷三

建置

八

鄉

東南太平鄉東北甘泉鄉西北王官鄉

其歸義加泉高柏

皆舊名之可見者也編戶分六十四里天順六年併八里

崇

賢常興歸仁常熟常義橋南親鄰山前

宏治五年併十六里

永豐豐樂新城中正臨高安樂光祿誠信義合玉泉路井福

原西下王莊奉祿良周

嘉靖間又有併里之議既而中止

國朝釐定疆賦仍四十里之舊分東南西北四鄉其屬之東鄉者曰郭下王代時莊奉政陽城長政通振通賢三泉忠信凡十里其屬之南鄉者曰白龍白其新其伏龍遵教寺前仁義西觀懷仁先進凡十里其屬之西鄉者曰通道業善吉安玉泉善化義井閨東段莊長閨馮長凡十里其屬之北鄉者曰陰泉牙富賢得武定太賢奉祿良輔太平太慶水安凡十

里村莊道路悉附載焉

縣城內外 正街 南街 北街 端正街 龍窩街 南

門內 東門內 北門內 祖師廟巷 張家巷 關帝廟

前 崔家巷 下巷裡 東關外 南關外 新盛村 南

圪塹 新城村 觀音堂 圪塹岸 救郎廟南 救郎廟

西 西關外 長街廟前 長街廟後 西關廟後 西圪

塹 北門外 北莊子 土城角 上場裡

東鄉郭下里 崖窩村 城北三里 掛印岨 小岨村 石家

莊 棗園村 後念村 俱城東北五里 槐嶺村 城北八里

宋家莊 城東北十里 鄭家窠 城東北十里 陳家醍醐 城東

北十五里 北纂業 城西南三里 新城村 李家窠 戎家

澄城縣志 卷三 建置 九

窠 俱城西北三十里 東扈莊 城西二十里

王代里 楊家莊上村 楊家莊前村 俱城東三里 西曹

莊 城東北七里 東曹莊 城東北八里 代莊村 城東八里 柳

池村 城東十二里 雅兒溝 城東十三里 李家河 城東十五

里 柏門村 南嶺村 俱城東南十五里

時莊里 何家莊 過家莊 姬家窠 婁家窠 俱城東北

十里 柏社東村 柏社西村 俱城東北十二里 毛家醍醐

王家醍醐 醍醐圪塹 俱城東北十五里 常家河 姬家

河 段家河 泉溝村 俱城東北十八里

奉政里 直莊村 趙莊村 趙莊下村 西下北村 西

下南村 神后村 俱城東南十里 廟窠村 城東南十五里

撲地村 撲地莊俱城東南二十里 劉家河 馬家河

趙家河俱城東南二十五里

陽城里 陽莊村 趙党原俱城東南五里 北李莊 南李

莊俱城東南十里 党家河 小趙家河俱城東南二十里

雷家窟 臨川村 堡城村俱城東南二十里 左家坡城

東南四十里

長政里 莊頭村 曾家莊 月家莊俱城東五里 楊家河

城東南二十里 袁家河城東南二十五里 董家河城西南

五里 蔡家河城西南十里

通振里 長城頭城南三里 北纂業城南三里 南纂業 石

家圪塨俱城南五里 振吉村城南十里 彥吉村城西南十

澄城縣志 卷三 建置 十

五里 彥吉坡城西南二十里 韓家灣城西南三十里

通賢里 張家河 王家河俱城西南十五里 白家雷莊

北鄭家村 南鄭家村 劉家雷莊 索家雷莊 後索

家村 蒙張家雷莊 鐵樓村俱城東南十五里

三泉里 永內村城北五里 杜家窟城北十里 郊城村城北

十二里 車蓋村城北十五里 馬店前村 馬店後村 東

馬店俱城北十四里 上馬店城東北十五里 蔡鄧前村

蔡鄧後村俱城西北十里 豐洛東村 豐洛西村俱城西

北十五里 郭家窟城西北十五里

忠信里 北社村 中社村俱城東南二十里 南社村城東

南二十五里

南鄉白龍里 趙家寺 城東南四十里 溝南村 范家莊

獠家坡 坡頭村 樓子斜 王家坡 下王家坡 魏

家斜 白龍東村 白龍西村 新城上 南陽莊 俱城

東南六十里 短畛村 西白村 俱城南六十里

白其里 北酥酪村 南酥酪村 酥酪莊子 鄧家莊

上下堡子 俱城南四十里 韋莊鎮 城南五十里 東白村 城

南五十五里 南白村 城南六十里

新其里 毛家坡 韋家坡 俱城南三十五里 臨高村 張

家城 俱城南四十里 党家原 城南四十五里 柿園村 廟

西村 東張莊 張家莊 後鐵莊 前鐵莊 新莊村

俱城南五十里

澄城縣志

卷三

建置

十一

伏龍里 南社党家村 城東南二十五里 茨溝村 耿家窰

布卓村 石家溝 雷家河 韓家河 俱城東南三十里

灰條坡 阿難寨 張家坡 湯家坡 俱城東南三十五

里 王家埝 醞醐鎮 雷家圪塋 俱城東南四十里 北伏

龍康家 城東南五十里

遵教里 和家樓 城東南四十里 解家村 城東南四十五里

中習村 東習村 梁家窰 雷家溝 俱城東南五十里

蔡代村 南棘茨 俱城東南五十五里

寺前里 無影城 城東八里 侯家河 城東南二十五里 寺前

鎮 白家原 党家莊 俱城東南四十里 南党後村 南

党前村 鄭家窰 俱城東南四十五里 梁家坡 城南六十

里

仁義里 金家河 彭家河 彭家莊 俱城東南三十五里

橋子頭 西吳家坡 東吳家坡 後吳村 前吳村

鐵鑪西村 鐵鑪東村 西南趙家 俱城東南四十里

西觀里 西觀村 三家村 俱城東南四十里 南圪塹 韓

家莊 東莊子 龍窩村 棗園村 俱城東南四十里 下

和村 城東南四十五里 北窰村 城東南五十里 姬家溝

南窰東村 南窰西村 俱城東南五十五里

懷仁里 楊家村 楊家莊 周家村 俱城南二十五里 楊

家嶺 韋家圪塔 俱城南三十里 劉家窰 馬家莊 俱城

南三十五里 卓里村 固市村 俱城南四十里 杜莊原

澄城縣志

卷三 建置

十一

陳家新莊 樊家川 韋村 俱城西南三十里 湫頭村

唐村 俱城西南三十五里 蘇家河 蘇家坡 袁家坡 俱

城西南五十里三村皆在洛河西

先進里 醜翻新莊 方家坡 俱城東南四十里 秦家坡

西習村 俱城東南五十五里 北伏龍村 布袋王家 南

伏龍村 窰科村 劉家莊 景家莊 俱城東南五十里

中馬莊東村 中馬莊西村 鄭家坡 李家坡 北棘

茨 俱城東南五十里

西鄉通道里 交道鎮 交道村 党家窰 何家窰 俱城

南二十里 元里村 北勸母 南勸母 懷仁黃家村

高家嶺 俱城南二十五里 西張村 張家坡 李家坡 俱

城東南三十五里

業善里 酥酪後村 城南四十里 窑頭村 城南四十五里 業

善鎮 業善村 俱城東南五十里 業善東村 業善西村

中節村 西南村 南伏龍 俱城南五十里

吉安里 雨豐村 西趙莊 俱城西北四十里 北善化 長

嘴村 吉安原 吉安窑科 王家莊 張家莊 俱城西

北五十里 吉安湯房 布果村 東嚴莊 西嚴莊 張

家窠 俱城西北六十里 柳池村 管家河 俱城東十五里

玉泉里 居安村 隴上村 曹家隴頭 曹家圪塔 窑

遠村 見得村 尖岨村 岨里村 俱城西北六十里 什

二曲 觀音溝 雷家河 前陂里 俱城西北七十里

澄城縣志

卷三

建置

十三

善化里 東洛城 南洛城 西社村 盧家社 韋家社

韋家窑科 李家溝 張家坡 李燕岨 俱城西北四

十里 六甲莊 六甲村 南善化 馬村 孫家河 史

家河 俱城西北五十里

義井里 義井村 南莊子 張家那下 東侯莊 西侯

莊 嶺頭村 嶺頭西社 俱城西北二十里 楊家窠 魚

家窠 俱城西北二十五里 王莊鎮 東干浴 西干浴 俱

城西北三十里

閩東里 南翟莊 北翟莊 俱城西北十五里 東高槐 西

高槐 廉家莊 安里村 俱城西北二十里 翟家莊 西

扈莊 耀顯村 俱城西二十五里 朵子頭 西朵子頭

張家莊 南莊子 西莊子 三門村 王家寨 張家

寨 俱城西北三十里 義南村 任渠村 曹渠村 房家

河 劉家坡 俱城西北四十里

段莊里 縣西河街 河東坡 河西坡 俱城西三里 郊城

堡 王家村 北岨里 俱城西五里 段卓莊 石家莊 俱

城西八里 程家窠 城西十里 段莊 段莊西場 俱城西十

二里 南窰里 南坡里 俱城西十五里 權家河 城西南十

五里 羅家莊 張家寨 賈家寨 白家莊 俱城北六里

下太賢 城北二十里

長閨里 光樓村 藺莊河 柳家原 浴子河 小浴子

河 俱城西十五里 長閨鎮 東村里 南關里 南城上

澄城縣志

卷三

建置

十四

白家城 娘娘城 周家洞 宋家道 西坡里 後

坡里 河坡里 紅科村 砂器窰 瓷器窰 瓷圪塿

中岨村 北坡村 南灣里 孟家村 俱城西二十里

靳家圪塿 城北八里 老虎頭 城西北五里 朱家岨 城西北

二十五里

馮長里 西長甯街 西長甯 弋家窰科 劉家斜 陳

家長甯 賈家長甯 雷家莊 南長甯 上楊家窠

下楊家窠 俱城西北五十里 馮原鎮 平陽山 東仁莊

西仁莊 吉安城 董家莊 藺家嶺 宇富村 宇

富莊 周學村 關家橋 橋頭村 橋頭莊 東徐莊

西徐莊 俱城西北六十里 橋南村 橋家坡 俱城西北

七十里

北鄉陰泉里 趙家窰 城西北十五里 留莊村 城西北二十

里 南義合 北義合 暑窰村 翟家莊 俱城西北二十

五里 白草原 靈窰村 陰泉村 俱城西北三十里 塔塚

鎮 城西北三十五里 東小河村 西小河村 石家坡

蔣家河 俱城西北四十里 洞子崖 城西北五十里

牙富里 井村 城西北五十里 叩莊 解家山 東牙曲

東溝堡 西溝堡 田家橋 漫口 俱城西北六十里 西

杜莊 東杜莊 石結溝 賀家橋 韋家寺 賀家河

俱城西北六十五里 鄭家後頭 魏仙橋 三家村 西

牙曲 羅家河 東梁家山 西梁家山 石結村 東

澄城縣志 卷三 建置 十五

徐家山 西徐家山 曹家山 山頭村 崖戈村 壑

堡 挑而嘴 駱駝巷 張河灣 全村 張家溝 俱城

西北七十里 孫堡 何家山 俱城西北七十五里

賢得里 南窰科 南趙莊 北趙莊鎮 俱城北四十里 北

趙莊 北趙莊村 新莊村 俱城北四十五里 聚益村

西下舟 俱城西北四十五里 西嘴村 城西北五十里 蕭家

莊 趙莊後窰 俱城北五十里 下陽莊 上陽莊 東少

家村 西少家村 王家社田 俱城北五十五里 西王莊

溝西村 俱城西北五十五里 下彌村 城西北六十里 長

溝村 城北六十里

武定里 上寺莊 下寺莊 下窰村 南窰村 俱城東北

四十里 喬莊村 喬莊東村 史家莊 武安村 安定
村 安定北村 河坡村 河坡新村 田家莊 高原
村 俱城東北五十里 北雷村 姬家坡 東咸和村 中
咸和村 下咸和村 俱城東北五十五里 王家河 頁坡
村 俱城東北六十里

太賢里 上太賢村 城西北二十里 西義城 卜落村 張

家窠 俱城西北二十五里 平城村 梁家咀 西崖頭

劉家圪塹村 劉家圪塹莊 俱城北三十里 店頭村 店

頭北莊 平定上村 平定下村 平定莊 俱城西北三十里

十里

奉祿里 祁家圪塔 城北十三里 蟒猛村 城北十五里 過實

澄城縣志

卷三 建置

村 羅家窠南莊 羅家窠北莊 羅家窠老村 俱城北

二十里 東義城 楊家隴西莊 楊家隴東莊 楊家隴

老村 遮路南莊 俱城北二十五里 遮路村 遮路北村

北寺村 俱城北三十里 東定國 西定國 俱城北四十

里

良甫里 靈坡村 靈坡上莊 俱城西北七十里 葛家窠西

村 葛家窠 合好村 馬家莊 良周村 藥鋪頭

楊家窠 東楊家窠 俱城西北四十里 宅莊南村 良輔

河東坡 俱城西北四十里 良輔河 關子口 社田村

下富原 上富原 宅莊 俱城西北五十里 張家布坡

宅上南村 宅上村 俱城西北六十里 袁家圪塔 城西北

七十里 相禮村 城西北七十五里

太平里 石家窠 城西北三十里 路井村 城西北三十五里

南太平 太平莊 東雒城東村 東雒城西村 西雒

城 雒城莊 俱城西北四十里 東葛家窠 葛家窠莊 俱

城西北四十五里

太慶里 王家莊 北太平 上下靈合 西卓村 賈家

窠 劉家窠南莊 劉家窠 俱城西北四十里 內信村 城

西北四十五里

柳泉村 魯家河 北迪家河 南迪家

河 河西坡 俱城西北五十里 柰郭村 太其東村 太

其西村 雷家山坡 雷家圪塆 俱城西北六十里 石渠

村城西北七十里

澄城縣志

卷三

建置

十七

永安里 親鄰村 韓家醍醐 韓家醍醐莊 韓家村

許莊 許莊莊子上 棗園村 俱城東北二十里 薛家嶺

永固村 俱城東北二十五里 高家坡 城東北二十五里

在河東 虎而田村 虎而田莊 劉鐵河 北寺蔡鄧 俱

城東北三十里 高岨村 麻家河 雷家河 雷家窠

雷家莊 俱城東北三十五里 白家河 城東北四十里